

Ni Awog A Datdatlag A Tao

Agdindinamag ni Awog iti purokda. Ipatpateg dagiti tattao ni Awog gapu iti kinasayaatna. Isu ti agbanbantay kadagiti sanikua dagiti tattao aglalo idiaiy kabanbantayan. Kabuteng dagiti managdakdakes ni Awog.


Iti maysa nga aldaw, adda tao nga immuli iti puon ti niog tapno takawenna dagiti bungbunga daytoy. Idi bumaban, pagammuan ta nariknana nga adda mangguyguyod kenkuana inggana a naitakleb. Saanen a nakaadayo iti puon ti niog ti agtatakaw.

Kabigatanna, nakigtot ti akinkukua ti kaniogan.

“Siasinoka? Ania ti ar-aramidem dita?” kinunana.

Inpagarup dagiti tattao nga adda laeng iti asideg ni Awog ngem saanda a nakita.

Iti maysa manen a gundaway, inpakita manen ni Awog ti panangtulongna kadagiti tattao. Kabayatan ti panagragragsak dagiti umili a napan nakipiesta, sinerrek dagiti managdakdakes a tattao dagiti balbalayda.





"Sige, rikisaenyo dagiti balbalay ket alaenyo amin a napapateg a sanikuada," kinuna ti pangulo dayta a grupo.

Kalpasan a naalada amin a kinaykayatda, nagdardaras a naglibas dagiti agtatakaw." Pagammuan ta nangngegda ti umal-allingag a timek ni Awog.

"Ania daytoy nga ar-aramidenyo? Dikayo man la nakapanunot iti nasayaat?" kinuna ni Awog. Masapul a madusakayo iti inaramidyo."

Insigida a kimmapsut dagiti agtatakaw ket saandan a nakatakder. Pinilitda ti timmaray ngem kasla naigalot dagiti saksakada iti maysa a tali. Natiliwda ket naibaludda kalpasanna.

Ammo dagiti tattao a ni Awog ti timmulong ka-dakuada ngem awan uray maysa ti nakakita kenkuana. Ti laeng ammoda ket kanayon a banbantayan ida ni Awog.

